

午甲

觀火○夜良方有赤氣

二十九年

大明嘉靖十三年

正月戊戌朔行望闕禮

受朝賀○檢詳以三公

意來啓曰賀禮時入班宰相數少客人所見至為埋沒甲戌年承傳內都察府以六曹參判以上及漢城府堂上多數兼差故朝賀朝參時隨班宰相數少且都察府入直宰相晝仕時標信啓達出入至為煩擾今後諸曹參判以上及漢城府堂上中毋過三員差下事申明舉行何如傳曰所啓至當奉承傳可也○以鄭世雄為成均館司成蔡無擇為弘文館應教安珪為校理○夜流星出天樞星入天厨星狀如鉞尾長四五尺許色赤○庚子憲府啓曰司議朴世勲非但驟陞而已人物暗劣不合決訟即官請改正慶興府使朴成樞為都察府經歷未久而遽陞東班三品官爵猥濫請改正濟用監判官康克仁以不合外判官請適而即為京判官非徒政令顛倒無內重外輕之意弘文館重地被駁見適之人不可輕易注擬而不有公論權續李元孫等遽為注擬銓曹至為非矣府方推之敢啓 命逆康克仁餘不允○辛丑憲府啓前事皆不允○夜流星出胃星入天苑星狀如大梨尾長四五尺許色白○壬寅義禁府判事尹殷輔知事金安老孫澍同知事沈彥慶啓曰趙元玲